

泉州府志

第七册

卷之十四至
卷之十五

K295.7

2

泉州府志

卷七

藝文志

七



泉州府志卷之十四

學校二

晉江縣學在郡治東行春門外東繡錦舊泉山書院地宋

紹興間郡守劉子羽以附于郡學之東有興道遵德二

齋前有槐亭慶元四年亭下池產雙蓮教授解邦俊易

名曰魁瑞

以時曾從龍爲縣學教諭明年擢進士第一故名詳見古蹟

淳熙四年

閩書

作淳祐四年

縣令林奭得東倉隙地請建

大成殿于行春門

內紹定中縣令趙鼎修闢遵道堂寶祐間縣令邱元龍

繼建中門外門砌兩廡飾聖賢像咸淳中縣令趙瑤建

明倫堂元元貞中尹劉潤建櫺星門大德六年尹邊邦

息建時雨堂翼以四齋

扁曰仁存義立禮和智樂能禾記泉直海東南隅實惟文明之

地且晦菴西山二先生在仕國也百餘年閒文化齟齬可以一變而道習江泉負郭邑舊有廟無學淳祐甲辰林令夷易創今廟咸淳辛未趙令珪始創今學端明蔡公記之悉矣余辛丑冬南遊抵泉春祀祇拜廟下惟見牆宇傾圯東北壁壤土壤山積邑博士王君景耀慨然謂余曰學之創三十有二年矣比年僅一修復而功弗克諸生力不逮志嘗告之令尹邊侯侯曰吾責也行當圖之暨秋再至則廟學一新講堂之後築杏壇三級壇之北爲堂三間東西序直舍二翼以四齋繚以宮牆儼如也先是春三月不雨至夏五月侯奔走召望堂成而雨澍以時雨名示不忘侯教也齋左曰仁存曰禮和右曰義立曰知樂王君狀其顛末來諗且曰侯之德我士甚厚不可不記辭不獲則釋其名之義而言曰天有四時無非教也古人立教法天而已天之道元亨利貞

其體也稱夏秋冬其用也在人則仁義禮智其體也而其所以爲用者豈獨無所事哉聞之師曰農象春禮象夏刑象秋兵象冬此人事之四時而教之所寓也未仕而學校則學此者也已仕而官府則行此者也儒道吏治其有二乎哉昔安定胡公以經術德行教人至農田禮樂刑政兵防之類亦使之入治一事世稱爲明體適用之學况晦庵西山二先生之教其體全體其用大用又湖學所未嘗有者乎一邑天下之式古之人居必近學學必親師自國家侯類以至黨庠閭塾皆在其居之南凡田賦飲射論囚獻馘必於是者便旦夕效也學距治所不數十舉武侯朝視事于官日昃不少倦退卽休坐於學與諸生從容乎杏壇之側其知講學論政之本者矣侯廉勤明敏始至之日有事於社稷崇治壇祀惟謹邑有閒田增墾幾二千畝流民之來歸者二百餘家未幾政成而學興隸邑泉山石井二書院亦皆易而新之庶乎知養教之序者至於訟簡盜息百廢具興侯之餘也記爲學作故可畧是役也侯首捐俸爲官吏倡里之好義者驅趨之材工率備以直一毫不以擾民用斯

道以往又豈明洪武初改爲郡治學移今所左廟右學
但一邑爲然

殿廡齋堂悉仍書院之舊永樂中訓導詹景威等建禮

殿戟門正統五年典史張嘉會購民地建櫺星門十年

僉事陳祚知府曾宏修殿廡堂齋戟門櫺星門卽戟門

西建米廩明倫堂西建饌堂

陳中記皇上勅外臺風憲重修郡縣學宮以崇聖道

爲國家育才之本甚盛典也閩臬僉事陳侯分巡所至
倦倦以修學爲先務欽盛典也晉江爲臬郡之屬邑學
幾傾圯郡守泰和曾公宏等奉侯命惟謹心孚志協乃
擇日鳩工先致嚴禮殿兩廡加飾先聖羣賢像及禮器
樽罍簋簠之屬其戟門櫺星門文公祠明倫堂齋舍皆
煥然一新其饌堂庖廚校官之署皆度地而新建之由
是出入景仰益虔教學燕息益飭經始于正統十年正
月十五日訖工於是年十一月二十四日於是邑之司

訓番禹葛純具修葺之始未遣生徒常琳來莆徵詁以
示久遠中素拙於文然於侯同出太邱之後故不辭惟
泉之舊治在子城中縣之舊學在宋之東倉隙地今學
宮在今郡治之東行春門之外狀元坊之左袞繡坊之
右舊址唐爲紫極宮五季遷宮於他所則爲天寧寺至
宋咸淳中郡守趙宗正以朱文公先生簿同安時過化
於泉遂改寺爲泉山書院以祠之則以奉佛老之所而
化爲奉先賢之所逮國朝洪武紀元衛指揮改泉之舊
治爲儒郡守改縣之舊學爲治遂改書院爲今學則以
奉先賢之所而陞爲奉先聖之所歲已巳教諭樊襄王
敬司訓郡人楊曜宗則復購文公祠於禮殿後永樂癸
卯司訓括蒼詹景威則倡諸好義者建大成殿戟門正
統庚申邑幕廬陵張嘉會則購民地建櫺星門作之者
非一人然皆苟完苟美於禮弗稱一旦咸增大規模於
侯按臨之日
果無所自哉
天順二年知府張崑購明倫堂後地建尊

經閣前爲方庭翼以兩廊成化二年知府歐陽復建號

房四間十二年推官柯漢建號房十八間學門舊在櫺

星門左後遷于右知府徐源復于左十八年知府陳勉

於學門左築牆一十六丈旁開一徑以隔民居宏治間

蔡文莊清捨地入學深十餘丈廣八丈餘有荔樹八株即今明倫堂前地十七年

同知于茂購文公祠東民地文公祠在禮殿後洪武間建詳見溫陵書院併

舊號房基建號房二座共二十六間正德十二年教諭

朱文簡訓導霍璵知府葛恒廣舊基重新黃河清記正德已卯歲春

正月重修晉江縣學成以成來告請書之大復古也復

而大之其事先是學之徙置弗常洪武改元始定于今郡治之東僅再修于正統之乙丑嗣是浸以敝圯

中更守若令若倅貳丞尉若師儒率仍仍然待代以去

歲辛未教諭朱君文簡來縻然曰士有家弗可弗飭別
廟宇弗治尚忍言哉乃與司訓黃君袞霍君球議借力
焉適郡守李侯銳向侯一陽節推熊侯一中相繼役事
工就修治者甫十之一爾旣而無錫葛侯來核其事慨
然曰終事吾責也乃經費度力以次修舉又拓所未備
規制貌像煥然改觀多師多士之氣皆鼓舞興起河清
再拜颺言曰士之爲學豈待於官之修學哉今官必修
學以居夫士俾爲士者必於是乎學焉專之也專之責
之也責之厚之也上之專之責之厚之者如是士之所
以自責自厚者何如耶故居學而不爲學者自荒也爲
學而不知所以學自薄也所以學何學也正學也卽所
謂道也道全德備之聖固未敢望人以遽至七十之徒
之學之得於師授者漢人得之鳴于漢唐人得之鳴于
唐至宋則闡其祕廣其義完其正而大鳴焉其容有赫
儼于廟庭可稽也稽其人論其世以淑諸身而見於用
則今日居學者學以天下修學者功以天下書而大之
非勸功也功之興衆和會之功之成吾侯葛專力焉成
之序堂先之次兩齋次櫺星大成集英三門又次廟階

兩廡又次晦翁祠及倉庖廩舍成之費出官之羨餘與地稅以沒入於官者相成之費則沈令松陳丞敘董成之役則主簿者徐瓚代襄事者唐臣與生員留志及陳恒檢黃鰲皆宜附書故備書之備書大書之後又宜特書則吾侯葛與吾友朱也葛多善政朱善教蓋得所學而鳴者

門遷護學祠于戟門西偏

疑爲士地祠

十五年葺尊經閣前

兩廡爲教諭廳嘉靖二年知縣張文宿修號房殿廡飾

先聖賢朱文公像及訓導廳二所

一在西齋後一在米廩南後廢爲省牲所

訓導居子號房

建文明坊于儀門南景賢坊于文明坊東

二坊今廢

過戟門爲學之二門折而南爲學之外門嘉靖九年建

敬一亭于學門內之北十四年知縣韓岳葺尊經閣

岳自

爲記聖人之道得易而時得詩而正得書而中得禮而
敬得樂而和得春秋而嚴故道無定而經有定道爲樞
而經爲鑰道見諸經而弗隱經載乎道而弗離自天地
未生之前而不見其始天地既闢之後而未知其終夫
何自漢以來專訓詁則以事著釋爲高而徵諸精義之
實難巧意見則以立門戶爲奧而施諸實踐之弗允蔽
焉者毀其則而先天後天之體微溺志者妄其用而汝
墳江漢之化塞趨事者浮其實而都兪吁咈之風衰亡
體者過於煩而三千三百之義闕徇情者侈其大而五
音六律之交流作法者犯其上而書人書爵之旨縱且
也象數差訛其竄者什之一異同角立其竄者什之九
聖人執無定以歸於定啓其鑰而運之樞其功廢而莫
之振矣功弗振而經自若也經在則道生不息而聖人
之心未嘗泯於天地閒聖人之心不泯後之學聖人者
不必求諸六經而先諸心息其氣平旦有覺通其勢致
用可神精氣利用而吾心時焉易無有乎弗尊矣觀化
象風而吾心正焉詩無有乎弗尊矣辨異強世而吾心
敬焉禮無有乎弗尊矣體元贊化而吾心和焉樂無有

乎弗尊矣合事象辭而吾心嚴焉春秋無有乎弗尊矣
古溫陵以文獻稱尊經閣雖舊有之廢也久矣予舉壬
辰科來尹是邦有志於造其道而未能至也予同寅貳
尹林子才傑董役葺是閣越明年閣成有志於記其事
而未能文也適庠師沈子源黃子紳劉子宗漢請書述
是事予曰聖人之道在六經蕩蕩乎無能名予何言哉
姑與諸士乎求
之心焉耳矣
十五年建
啓聖祠于禮殿後舊文公祠

地文公祠正德間移
詳見溫陵書院

二十二年知府程秀民知縣宋大

勺重修

秀民記嘉靖丙午春仲月予奉命來莅泉越四
月矣一日晉江尹宋子大勺偕教諭黃子紹文

訓導黃子

表胡子汝鳳合辭以告曰惟晉江古名邑文

獻甲於海內其學宮在府治左百步許緣建構歲月歷

久維

先師廟暨堂廡門齋諸祀室棟樑朽腐榱桷摧

落至不蔽風雨先是吏茲土者咸以財縮費鉅力殫視

爲迂緩事二三子恥之子曰政惟其要要孰大於學校

者乎其亟圖之宋子乃覈費會程鑿思經度取材以良

糾力以時節貲以約力三月而功訖廟貌煥然堂廡及
齋舍翼然森備一時庠生張文憲輩舉欣欣動色曰文
運其昌大矣乎相率謂予以爲記予曰諸生其知所以
修學乎夫不培其基弗隆其棟弗壯其柱石而從事於
丹雘文藻之飾以求耀一時之觀美是故久而斃焉而
朽腐摧落乘之而風雨從而蟲之則惡得而弗修也修
之所以易其舊也易其舊而弗求其故焉則亦惟丹雘
文藻之是飾則今日之修又焉知非異日之朽腐摧落
而風雨之弗蔽也哉知乎此則知吾人之所以爲學矣
吾人之心其源本深厚譬之基也其綱常倫理譬之棟
柱石也培養其心而率是心於綱常倫理之大孝於親
也忠於君也信於友也序別於長幼夫婦也若是者所
以求修乎身以立其大者非爲乎人也是故動容之恭
言語之章而經緯政治之文自爾其斐然悠久而博厚
高明與天地無疆也若舍是心而求諸外焉動容而側
媚惟恭言語而巧好惟章政治而矯拂惟文而是心之
基綱常倫理之大漫然弗敦其本焉則作僞而勞行矣
弗遠其不爲天下之笑而唾棄也哉惟泉山海形勝代

生偉人其士之以文章鳴於天下者彬彬相望然英華之趨而真純之漓不能不為諸生慮也是故卽茲舉而求諸身心焉則知有司之所以修學以羣多士者非故為粉飾也將以求真才也士之所以積學以待應聘者非徒為誇侈也所以求實用也若是則茲舉寧獨謂修學也耶不然是亦丹雘文藻之飾焉耳於諸生何有哉予非知學者願於諸生有師正之義因為之申重焉耳

四十年知縣盧仲佃建觀

德堂于射圃

閩畫學東北有射圃宋梁文靖故宅地也

四十五年教諭章堂

置射禮器萬歷十七年知縣沈天啓修

楊道賓記吾閩之屬八而文獻

惟泉最著泉之屬七而文獻惟晉最著蓋晉庠自昔重矣曰國初用泉山書院改設代有增飾具饒諸石閱歲既久廟貌靡宇圯敝將半博士至無竝足而寓諸生號舍夫豈無哲令或力詘襲簡陋或補苴為具文固未有曠然一新者婁東沈侯以名進士用奉新最徙治吾邑雅志作人首下車臨校甄別士類矜奮已擇其優者為

會會有期期有餉人爲評騰望朔謁廟以次示諸生雖
公事勞糺無後時也顧瞻學宮慨然太息曰豈緊異任
范襄邑獨爲賢令何繇哉乃亟議修葺請于當道報可
則與教諭陳君司訓鄧君楊君錫吉始事制仍諸舊役
徵諸時費取諸文溢田價凡靡百四十餘銖官不損帑
民不病痛而祀與餼飭燭然改觀矣侯治邑去靡節浮
雖廚傳不飾而此獨舉應者誠重其所重也功旣成諸
博士謁賓問記賓維國家需士與士所効用獨斤斤一
經已哉史遷傳儒林先經術而畧行誼以萬石醇謹乃
不得與曲學胥靡分席而臚簡編此漢儒效所由躋也
聖祖開國建學首立臥牌訓誡備至要以坊士而令無
踰于檢軌規模越漢遠甚而其取効亦宏吾晉守閩故
業得稱鄒魯無所慮于經術第慮窺隙倚市習贗忘鼎
未盡易嚮夫聖人論致道無他端惟曰居肆成事學固
士之肆也聖域賢關跬步不爽守若處女不敢窺戶外
嚴若抵關俾敵國無繇間投斯無負設學之意而士始
重古人未離黌宮便任天下維此耳出此則市駟駘攝
目而譚過此則郡若邑胥隸攘臂而逐諸生一窺左足

卽夷于氓隸安所稱子矜爲亡論他日建
堅無是道而是服先民恥之矣可不戒歟
三十年教諭

婁拱北建人文濟美坊于明倫堂儀門外三十三年訓

導蔡逢春修大成殿重簷而高之知縣顧士琦訓導婁

拱北修祭器訓導李道御葺敬一亭顧士琦記蓋吾夫子以萬世爲王

迄於今宗廟百官赫然動人心何假廟貌而羹牆所見

尤不如廟貌之顧誕爲親切也今天下同文同倫雖邊

徼郡邑誰不樹黌宮而鑄後學而東南之稱膠庠最著

者莫如吾晉晉之人才甲寓內無論元魁接跡白鼎游

登而理學名賢如文莊公輩國朝來不下數公則晉學

之盛所從來矣余承乏於茲幸躬逢焉亦何能拜晉賢

才之下風唯是朔望祇謁唯謹以微惠聖靈陶冶羣品

頃歲癸卯見棟宇廊廡漸有傾圯者正與婁博士謀整

而新之旋以計行長途時介胸臆迫還受事而知蔡司

訓署學篆時先得余意而李司訓更從與甚力一時薦

紳人士雀舞樂輸而先時卜郡尊檄縣動官銀爲學葺
治資後楊郡尊攝晉符高安溪公各有助蔡司訓且不
憚拮据與李司訓相與捐首藉庀材鳩工不數月廟貌
煥如余且喜且愧而祭器尤多缺也亟捐薄俸與婁博
士計之而婁博士亦自捐其貲凡爐瓶爵籩等項靡不
畢備廟貌且增而儼焉今年春李司訓復謀飭敬一亭
余亦再捐微俸佐成之蓋望緊首地何嫌加整而余更
有祝者則願諸士時勤瞻對凜步趨不啻羹牆用是養
成大才而釋紹理學無令文莊公輩獨擅美於前也則
吾晉學豈直稱盛於今將追夏校商序周庠而並傳矣
一時捐助葺學諸公楊郡尊諱一桂卜郡尊諱履吉高安溪諱金體
三十六年僉事陳治

本知縣李待問修明倫堂戟門櫺星門四十六年知府

蔡善繼重修

何喬遠記孔子所以賢於堯舜者何哉精

子而煥乎其英華灔然其條枝其德與功則賢於堯舜
也堯大聖人也未有天下祀堯也舜大聖人也未有天